



**O‘ZBEKISTON RESPUBLIKASI DAVLAT BOJXONA QO‘MITASI**

**BUYRUQ**

20 19 yil “02” avgust

Toshkent shahri

№ 208

**ГОСУДАРСТВЕННЫЙ ТАМОЖЕННЫЙ КОМИТЕТ  
РЕСПУБЛИКИ УЗБЕКИСТАН**

**П Р И К А З**

“02” avgust 20 19 г.

г. Ташкент

№ 208

1/2

**Ўзбекистон Республикаси Давлат  
божхона хизмати органларининг  
коррупция хавф-хатарига энг кўп  
дуч келадиган фаолият соҳалари  
ва уларнинг функциялари  
(ваколатлари)нинг рўйхатини  
тасдиқлаш тўғрисида**

Ўзбекистон Республикаси Президентининг 2019 йил 27 майдаги “Ўзбекистон Республикасида коррупцияга қарши курашиш тизимини янада такомиллаштириш чора-тадбирлари тўғрисида”ги ПФ-5729-сон Фармони ҳамда Давлат божхона қўмитасининг 2019-2020 йилларга мўлжалланган коррупцияга қарши курашиш дастурининг 24-банди ижросини таъминлаш мақсадида,

**Б У Ю Р А М А Н:**

1. Ўзбекистон Республикаси Давлат божхона хизмати органларининг коррупция хавф-хатарига энг кўп дуч келадиган фаолият соҳалари ва уларнинг функциялари (ваколатлари)нинг рўйхати иловага мувофиқ тасдиқлансин.

2. Коррупцияга қарши курашиш бўйича Давлат божхона қўмитаси ҳамда жойлардаги таркибий тузилмаларининг комиссиялари томонидан: коррупцияга қарши курашиш соҳасида таркибий тузилмалар томонидан амалга оширилган ишлар бўйича ҳисоботлари эшитиб борилсин;

ушбу йўналишда ҳар чоракда таҳлил ва мониторинг ишлари амалга оширилсин ҳамда коррупциявий хавф-хатарларни бартараф этиш чоралари кўрилсин;

божхона органлари зиммасига юкланган вазифа ва функцияларни амалга оширишда юзага келадиган коррупция хавф-хатарлари мунтазам равишда мажбурий баҳолаб борилсин;

кундалик хизмат фаолиятдан келиб чиқиб, келгусида коррупция хавф-хатари намоён бўлган фаолият соҳалари ва уларнинг функциялари (ваколатлари)нинг рўйхати шакллантириб борилсин, бунда хавф даражаси аниқланган соҳаларда коррупция кўринишларини минималлаштириш чоралари кўрилсин.

3. ДБҚнинг марказий аппарати таркибий тузилмалари, Қорақалпоғистон Республикаси, вилоятлар, Тошкент шаҳри бўйича бошқармалари, “Тошкент-АЭРО” ИБК, Божхона институти бошлиқлари ва Миллий кинология маркази директори:

коррупция хавф-хатарларини ўз вақтида аниқламаган ва тегишли баҳо бермаган, шунингдек, коррупцияга оид ҳуқуқбузарликларни такроран содир этиш ҳолатларига йўл қўйилишига шароит яратиб берганлиги учун ҳар бир тузилма раҳбари шахсан жавобгар эканлиги уқтирилсин;

хизмат фаолиятини амалга оширишда ушбу буйруқ дастурий амал сифатида қабул қилиниб, буйруқ талабларига сўзсиз риоя қилинсин.

4. ДБҚ Юридик бўлими (А.Дўстёров), ҳудудий бошқармалари, “Тошкент-АЭРО” ИБК, Божхона институти ҳамда Миллий кинология марказининг Юридик хизматлари томонидан ушбу буйруқнинг туркумлаштирилган ҳисоби юритилсин.

5. Мазкур буйруқнинг ижросини таъминлаш ДБҚнинг марказий аппарати таркибий тузилмалари, Қорақалпоғистон Республикаси, вилоятлар, Тошкент шаҳри бўйича бошқармалари, “Тошкент-АЭРО” ИБК, Божхона институти бошлиқлари ва Миллий кинология маркази директорига юклаб, умумий назоратини ўз зиммамда қолдираман.

Раис,

божхона хизмати генерал-майори



М.Азимов

**Ўзбекистон Республикаси Давлат божхона хизмати органларининг  
коррупция хавф-хатарига энг кўп дуч келадиган фаолият соҳалари  
ва уларнинг функциялари (ваколатлари)нинг рўйхати**

**1) Ташкилий-назорат соҳасида:**

а) Божхона органларида комплекс, назорат ва мақсадли текширувларни ташкил этиш ва ўтказиш, текширишда иштирок этиш.

**2) Кадрлар соҳасида:**

а) кадрларни хизматга қабул қилиш, лавозимга тайинлаш, ротация қилиш ва махсус унвонлар бериш каби вазифаларни амалга ошириш;

б) ходимларни малакасини ошириш мақсадида хорижий давлатларга хизмат сафарларини ташкил этиш.

**3) Контрабанда ва божхона қонунчилиги бузилишига қарши  
курашиш соҳасида:**

а) божхона органларининг ваколатига тааллуқли жиноятларни аниқлаш, олдини олиш ва уларга қарши курашиш бўйича оператив-қидирув фаолиятини амалга ошириш.

**4) Молия-иқтисодиёт соҳасида:**

а) бюджет ва махсус жамғарма маблағларини тақсимлаш тўғрисидаги қарорларни тайёрлаш;

б) божхона органлари мансабдор шахсларининг ҳаражатларини назорат қилиш ва ходимларни ижтимоий-иқтисодий таъминлашни ташкил этиш.

**5) Божхона тўловлари соҳасида:**

а) божхона органлари депозит ҳисоб-рақамига ортиқча ёки олдиндан тўланган пул маблағларини қайтариб беришни амалга ошириш;

б) божхона тўловларини тўлашни кечиктириб ёки бўлиб тўлаш учун муурожаатларни кўриб чиқиш;

в) божхона тўловлари бўйича имтиёз ва преференцияларни қўллаш;

г) товарларнинг божхона қийматини назорат қилиш.

**6) Капитал қурилиш соҳасида:**

а) божхона органлари тасарруфидаги бино ва иншоотларни қуриш ҳамда таъмирлашда ишларни ташкил этиш.

**7) Моддий-техника таъминоти соҳасида:**

а) давлат харидларини амалга ошириш, моддий-техник ресурсларни сақлаш ва тақсимлаш;

б) божхона органлари тизимида давлат харидларини амалга ошириш бўйича тендер ҳужжатларини шакллантириш, товарлар, ишлар ва хизматлар ҳариди бўйича шартномалар тузиш фаолиятини амалга ошириш;

в) аутсорсинг хизматларидан фойдаланиш.

#### **8) Божхона назоратини ташкил этиш соҳасида:**

а) божхона омборлари, бож олинмайдиган савдо дўкони ва эркин омборларга лецинзия олиш ҳамда ваколатли иқтисодий операторлар реестрига қўшилиш учун мурожаатларни кўриб чиқиш;

б) товарларни божхона режимига жойлаштириш билан боғлиқ операцияларни амалга ошириш;

в) товар ва транспорт воситаларини божхона ҳамкорлигида кузатиб боришни ташкил этиш;

г) товарларни юкланган транспорт воситасидан бошқа транспорт воситасига божхона назорати остида юклаш;

д) товарларни бошқа божхона омборига кўчириб ўтказиш, божхона омбори лицензиясига эга бўлмаган омборга жойлаштириш;

е) омборларда сақланаётган товарларни инвентаризациядан ўтказиш.

#### **9) Божхона статистикаси ва ташқи савдо операцияларини мониторинг қилиш соҳасида:**

а) Мурожаат йилидаги расмийлаштирилган божхона юк декларацияларига ўзгартириш ва қўшимчалар киритиш, қайта расмийлаштириш.

#### **10) Божхона экспертизаси ва Ташқи иқтисодий фаолият товар номенклатурасини юритиш соҳасида:**

а) божхона кодексига мувофиқ товарларни таснифлаш. Ўйиб олинмаган ёки ажратилган, шу жумладан тўлиқсиз ёки тўлиқ бўлмаган шаклда, божхона чегараси орқали олиб ўтилган товарларни таснифлаш тўғрисида қарор қабул қилиш.

#### **11) Хавф мониторинги ва баҳолаш соҳасида:**

а) божхона постларида божхона назоратини амалга ошириш. Хавфни бошқариш автоматлаштирилган тизими орқали юкланган вазифаларни бажариш.

#### **12) Юридик хизмат соҳасида:**

а) Давлат манфаатларини ва судларда божхона органларининг манфаатларини ҳимоя қилишда иштирок этиш.



### **13) Суриштирув ва маъмурий амалиёт соҳасида:**

а) маъмурий ҳуқуқбузарлик ишларини рўйхатга олиш, кўриб чиқиш ва тугатиш. Жиноий ишларда терговга қадар текширув ва суриштирув ҳаракатларини олиб бориш, ҳужжатларни расмийлаштириш ва жиноят ишини қўзғатишни рад этиш тўғрисидаги қарорларни қабул қилиш;

б) Давлат даромадига ўтказиладиган мол-мулкни олиб қўйиш, сотиш ёки йўқ қилиб ташлаш билан боғлиқ вазифаларни амалга ошириш.

### **14) Молия хўжалик аудити соҳасида:**

а) Божхона органлари хизмати ваколатига кирувчи божхона органлари ва муассасаларига нисбатан сотиб олиш соҳасида аудит ва идоравий назорат тадбирларини ўтказиш;

б) Ички молиявий аудит ва сотиб олиш соҳасида идоравий назорат бўйича йиллик тадбирлар режасини ишлаб чиқиш ва жорий этиш ҳамда аудитни амалга ошириш натижалари бўйича йиллик (чораклик) ҳисоботни ишлаб чиқиш ва тақдим этиш.

### **15) Таълим соҳасида (Божхона институти):**

а) тингловчиларни ўқитиш, қайта тайёрлаш ва малакасини ошириш.

### **16) Барча божхона хизмати фаолияти соҳаларида:**

а) Лавозим йўриқномасида қайд этилмаган бошқа вазифаларни бажариш;

б) божхона органлари ва уларнинг мансабдор шахсларининг қарорлари, ҳаракати (ҳаракатсизлиги) устидан шикоятларни кўриб чиқишни ташкил этиш;

г) Хизматга доир маълумотлар билан ишлаш.